

**Վարչական տույժ նշանակելու մասին**

«22» հուլիսի 2020թ.

ք. Վանաձոր

Հայաստանի Հանրապետության պետական եկամուտների կոմիտեի Արևյան մաքսատուն-վարչության պետի ժ/պ Արթուր Ղալաչյանս, քննելով «Մաքս Բորդեր» ՍՊԸ-ի մաքսային միջնորդ Արմեն Ռաֆիկի Արզոյանի (անձնագիր՝ AS0395681, հասցե՝ ՀՀ, ք. Վանաձոր. Աղյուսագործների 7,) կողմից մաքսային կանոնների խախտման վերաբերյալ գործը,

**Պ Ա Ր Զ Ե Ց Ի**

«Մաքս Բորդեր» ՍՊ ընկերության մաքսային ձևակերպումների մասնագետ Արմեն Արզոյանը դիմում է ներկայացրել Արևելյան մաքսատուն-վարչության Բազրատաշենի մ/կետ-բաժնի պետին (մուտք թիվ 33 առ 06.07.2020թ.) և հայտնել, որ ՀՀ 2020թ. հուլիսի 6-ին թիվ 05100033/060720/0025271 տարանցման հայտարարագրով ձևակերպվել է բեռ: Հայտարարագրի 4-րդ անուն ապրանքի 33-րդ դաշտը լրացվել է սխալ: ԱՏԳԱԱ 83062900090 ծածկագրի փոխարեն նշվել է ԱՏԳԱԱ 39264000000 ծածկագիրը: Խնդրել է թույլտրել թիվ 05100033/060720/0025271 տարանցման հայտարարագրում կատարել փոփոխություն:

Փաստի առթիվ Արևելյան մաքսատուն-վարչության Բազրատաշենի մաքսային կետ-բաժնի 2-րդ բաժանմունքի գլխավոր մաքսային տեսուչի կողմից 06.07.2020 «Մաքս Բորդեր» ՍՊ ընկերության մաքսային ձևակերպումների մասնագետ Արմեն Արզոյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 203-րդ հոդվածի հատկանիշներով:

Նշանակվել է գործի քննություն 22.07.2020 թվականին ժամը 11:00-ին, վերջինս պատշաճ ծանուցվել է, սակայն չի ներկայացել գործի քննությանը:

Ներկայացված նյութերի ուսումնասիրության արդյունքում պարզվել է, որ «Մաքս Բորդեր» ՍՊ ընկերության մաքսային ձևակերպումների մասնագետ Արմեն Արզոյանի կողմից Արսեն Ալբերտի Ներսիսյանի անունով թիվ 05100033/060720/00025271 տարանցման հայտարարագրով, հայտարարագրվել է 9 անուն ապրանք: Հայտարարագրի

4-րդ անուն ապրանքի 33-րդ դաշտը լրացվել է սխալ: ԱՏԳԱԱ 83062900090 ծածկագրի փոխարեն նշվել է ԱՏԳԱԱ 39264000000 ծածկագիրը:

Նշված հայտարարագրում ոչ ճշգրիտ տեղեկություններ ներկայացնելը չի առաջացրել է մաքսային վճարների պակաս հաշվարկում կամ չհաշվարկում:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության: Սույն դեպքով հայտարարտուի անունից հայտարարգիրը լրացրել է Արմեն Արզոյանը:

ՀՀ մաքսային օրենսգրքի 203-րդ հոդվածի 1-ին մասի համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որի արդյունքում չի առաջանում մաքսային վճարների (բացառությամբ մաքսավճարի) պակաս հաշվարկում կամ չհաշվարկում, ինչպես նաև ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ 50.000 դրամի չափով:

Վարչական մարմինը գնահատելով գործում եղած բոլոր ապացույցները, բազմակողմանի և օբյեկտիվ հետազոտման վրա հիմնված ներքին համոզմամբ գալիս է այն եզրակացման, որ սույն դեպքով *Արմեն Արզոյանի արարքում առկա է 17.12.2014թ. ՀՕ-241-Ն <<Մաքսային կարգավորման մասին>> օրենքի 259 հոդվածի 4-րդ կետի ուժով*

գործող 06.07.2000թ. ՀՀ ՄՕ 203 հոդվածով նախատեսված մաքսային կանոնների  
խախտման հատկանիշներ:

Ելնելով վերոգրյալից և ղեկավարվելով ՀՀ մաքսային օրենսգրքի 221-րդ, Վարչական  
իրավախախտումների վերաբերյալ ՀՀ օրենսգրքի 214-րդ և 234-րդ հոդվածներով՝

### Ո Ր Ո Շ Ե Ց Ի

1. ՀՀ մաքսային օրենսգրքի 203-րդ հոդվածի 1-ին մասի հատկանիշներով նախատեսված  
մաքսային կանոնների խախտում կատարելու համար Արմեն Արզոյանին ենթարկել  
վարչական պատասխանատվության՝ տուգանելով **50000 ՀՀ դրամի** չափով:
2. Որոշման մասին հայտնել Արմեն Արզոյանին, պարզաբանելով, որ այն ՀՀ մաքսային  
օրենսգրքի 221-րդ հոդվածի համաձայն ուժի մեջ է մտնում կայացման պահից և  
Վարչարարության հիմունքների և վարչական վարույթի մասին ՀՀ օրենքի 71-րդ  
հոդվածի համաձայն՝ 2 ամսվա ընթացքում կարող է բողոքարկվել վերադաս մաքսային  
մարմին, կամ ՀՀ վարչական դատավարության օրենսգրքի 72-րդ հոդվածի 1-ին մասի 1-  
ին կետի համաձայն՝ 2 ամսվա ընթացքում ՀՀ վարչական դատարան:

Սույն որոշմամբ նշանակված տուգանքի վճարման հաշվեհամարն է. 900005024055 (ՀՀ պետական  
բյուջե, կենտրոնական գանձապետարան, Արեվելյան մաքսատուն-վարչություն, ԿՈՂ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏԻ Ժ/Պ



Ա. ՂԱԼԱՉՅԱՆ